



Broj: **03/1-50-14-7-47/18**

Sarajevo, 15.5.2018.

**PREDMET:** Radna posjeta Operativno-komunikacijskom centru 112 Sektora za zaštitu i spašavanje Ministarstva sigurnosti BiH

Sifet Podžić, predsjedavajući Zajedničke komisije za odbranu i sigurnost BiH je 22.2.2018. posjetio Operativno-komunikacijski centar 112 koji funkcioniра u sastavu Sektora za zaštitu i spašavanje Ministarstva sigurnosti BiH. Poziv za posjetu bio je upućen svim članovima Zajedničke komisije.

Tokom sastanka razgovarano je o aktivnostima Sektora za zaštitu i spašavanje i OKC-a, te su predstavnici Komisije upoznati sa stanjem u ovoj oblasti, posebno s mjerama koje se preduzimaju za smanjenje rizika od katastrofa i prirodnih nepogoda u BiH.

Na sastanku je ukazano na važnost uvođenja jedinstvenog broja 112 za BiH koji će u slučaju nesreća omogućiti bržu i efikasniju reakciju hitnih službi i pružanja pomoći unesrećenima.

Također, prezentirani su dosadašnji rezultati Ministarstva sigurnosti BiH o unapređenju sistema zaštite i spašavanja i nabavci opreme za nadležne službe.

Naglašeno je da je nakon poplava 2014. godine u BiH značajno poboljšan sistem zaštite i spašavanja za djelovanje u slučaju prirodnih ili drugih nesreća. Poboljšana je saradnja između nadležnih institucija BiH, entiteta i Brčko Distrikta BiH, formirane su i opremljene po dvije specijalističke jedinice i timovi za spašavanje na vodi i pod vodom, za djelovanje u slučaju hemijskih incidenata, spašavanje iz ruševina, te jedan tim za potragu i spašavanje, izvršeno mapiranje rizika od poplava u značajnom broju općina i gradova, izrađeni novi planovi djelovanja u slučaju nesreća u preko 30 općina i gradova, te poboljšan sistem ranog upozoravanja.

Također, istaknuta je uspješno pripremljena i izvedena civilna vježba NATO-a „BiH 2017“, koja je bila najobimnija i s najviše učesnika od do sada izvedenih vježbi.

Predsjedavajući Zajedničke komisije Sifet Podžić podržao je aktivnosti Sektora za zaštitu i spašavanje Ministarstva sigurnosti BiH te ih je pozvao da nastave raditi na jačanju sistema zaštite i spašavanja u BiH.

**PREDSJEDAVAJUĆI KOMISIJE**  
**Sifet Podžić**

Dostavljeno:

- naslovu
- a/a